

Димитрий Ростовский

**Розыск о раскольнической
Брынской вере**

**Москва
«Книга по Требованию»**

УДК 291
ББК 86.3
Д46

Д46 **Димитрий Ростовский**
Розыск о раскольнической Брынской вере / Димитрий Ростовский – М.: Книга
по Требованию, 2013. – 662 с.

ISBN 978-5-458-32709-1

Розыск о раскольнической Брынской вере, о Учении их, о Делах их, и изъ-
явление, яко вера их неправа, Учение их душевредно и Дела их не Богоугодна.
Издание пятое.

ISBN 978-5-458-32709-1

© Издание на русском языке, оформление
«YOYO Media», 2013

© Издание на русском языке, оцифровка,
«Книга по Требованию», 2013

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первозданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.

(якоже въ житіи того пишется): Не печашеся о красотѣ словесъ въ своихъ къ народу глаголемыхъ поученіяхъ, но о пользѣ душъ имѣяше тщаніе, и бываху многая въ бесѣдѣ его просто, простыхъ ради глаголемая, но зѣло душеполезная. И егда отъ нѣкоего Аттического философа юна о просторѣчїи подсмѣянь бысть; сотворися тому философу видѣніе сицево: Мняшеся зрѣти стадо голубій бѣлыхъ, зѣло благолѣпныхъ, нѣкимъ дивнымъ сіяніемъ блестящихъ, по словеси Псаломническому: *крыль голубинь посребренъ, и междорамія въ блещаніи злата* (а), и бысть гласъ къ зрящему сія: Се суть словеса Александра епископа, имже ты посмѣялся еси! Философъ же отъ видѣнія воспрянувъ, стыдяшеся о согрѣшеніи своемъ. Но и самъ Христосъ—Спаситель нашъ, егда бесѣдоваше къ людямъ книжнымъ, ко учителемъ жидовскимъ мудрымъ, простираше къ нимъ словеса Божественныя, премудрости исполненныя, приводя свидѣтельства отъ книгъ Пророческихъ: егда же ко простому народу простираше слово, простыми притчами изъясняше имъ свою о небесномъ царствїи проповѣдь, сказуя: *яко подобно есть царство небесное чловѣку домовиту, и чловѣку спявшему доброе сѣмя на сѣль своемъ, и чловѣку купцу, и зерну горущичну, и квасу, егоже воземши жена сокры въ мучныхъ сатѣхъ трехъ,*

дондеже вскисоша вся (а). И моему убо смиренію , емуже препростый народъ въ паству ввѣрися, надлежитъ простыми словесы увѣщаніе простерти ко уклоняющимся въ раскольническое заблужденіе . Посла бо мене Христосъ (да со Апостоломъ реку) благовѣстити не въ премудрости слова (б).

(а) Матѣ. въ гл. 13. (б) 1 Кор. 1, ст, 17.

ПРЕДИСЛОВІЕ.

Противу раскольническаго упорства довольно отвѣтствуютъ двѣ изрядныя книги, яже преждніи святѣйшіи патріархи Московскіи со освященнымъ соборомъ написаша, которымъ книгамъ именованія суть сія: Жезлъ Правленія и Увѣтъ Духовный. И не требѣ лучшихъ отвѣтовъ на возраженіе умствованія безумнаго противниковъ Святой церкви; но понеже тѣ книги въ нашей Ростовской епархіи обрѣтаются ли гдѣ, нѣсмъ извѣстенъ, и едва обрѣтаются: ненавистная бо рука раскольническая истребляетъ я. Того ради краткую сію книжицу по должности моей написахъ: находящимъ бо волкомъ на стадо, не подобаетъ пастырю сномъ одержиму быти.

СУНОПСИСЪ КНИЖИЦЫ СЕЯ,

на три части раздѣляющіяся.

I ЧАСТЬ, О ВѢРѢ РАСКОЛЬНИЧЕСКОЙ,

раздѣляется на двѣ статіи.

1 Статія.

Розыскъ: Есть ли ихъ вѣра—правая вѣра?

Вопросъ: Что есть вѣра? и Изъявленіе, яко не въ веществахъ зримыхъ и осязательныхъ вѣра, но въ единомъ невидимомъ Бозѣ.

Изъявленіе, яко раскольническая вѣра не въ единомъ Бозѣ, но во многихъ веществахъ зримыхъ и осязательныхъ.

Правость православныя вѣры.

2 Статія.

Розыскъ: Есть ли ихъ вѣра—старая вѣра?

Разсмотрѣніе по догматѣхъ православныхъ и по преданіяхъ церковныхъ.

И Изъявленіе, яко вѣра ихъ нѣсть старая, но новая.

Иаки православныя вѣры правость.

ЧАСТЬ II, О УЧЕНИИ РАСКОЛЬНИЧЕСКОМЪ,

РАЗДѢЛЯЕТСЯ НА ТРИ СТАТИИ.

1 С т а т і я.

Розыскъ: Есть ли ученіе ихъ неложно?

Въ той статіи обличается лжеучительство ихъ, и неправое толкованіе Писанія Божественнаго.

2 С т а т і я.

Розыскъ: Есть ли ученіе ихъ не еретическо?

И обличеніе еретичества ихъ.

3 С т а т і я.

Розыскъ: Нѣсть ли во ученіи ихъ хулы на святыя вещи?

И обличается хула ихъ:

На четвероконечный крестъ,

На пречистыя Божественныя тайны,

На чинъ архіерейскій,

И на всю церковь Христову.

И возраженіе хуль ихъ.

III ЧАСТЬ, О ДѢЛѢХЪ РАСКОЛЬНИЧЕСКИХЪ,

РАЗДѢЛЯЕТСЯ НА ДВѢ СТАТИИ.

1 С т а т і я.

Розыскъ: О дѢлѢхъ мнимыхъ быти добрыхъ, но о богоугожденіи неизвѣстныхъ.

О дѢлѢхъ лицемѣрныхъ, подъ которыми таится лютое зло.

О дѢлѢхъ добрыхъ, но безплодныхъ, спасенія себѣ не заслужующихъ.

2 С т а т і я.

Показаніе дѢлъ ихъ злыхъ, явѣ въ противность Святѣй церкви творимыхъ.

**СМИРЕННЫЙ АРХІЕРЕЙ
ДИМИТРІЙ,**

**Божією Милостію Митрополитъ Ро-
стовскій и Ярославскій.**

Пречестнымъ архимандритомъ, и игуменомъ, и всему монашескому чину,

И честнымъ іереємъ, и діакономъ, и церковникомъ, по всѣхъ паствы нашея градѣхъ и весѣхъ сущимъ,

Купно и всему Епархіи Ростовской правовѣрному Христіанскому народу, всякаго чина и возраста, возлюбленнымъ ми братіямъ и духовнымъ чадамъ,

Благословеніе и миръ отъ Господа нашего Иисуса Христа.

Не довѣсть нашему смиренію къ вамъ , о возлюбленніи ! самими токмо устными словесы бесѣду простирати , но и писаніемъ полезная бесѣдовати подобаетъ . Устная бо бесѣда близъ токмо слышится : а яже писанію предаются , та и въ концы вселенныя происходятъ . Устно реченное слово скоро отъ памяти чловѣческія отъемлется : написанное же незабвенно пребываетъ . Яже убо усты глаголю и ихже вы поучаю , та судихъ и писанію предати , и въ Епархію послати ; понеже самому мнѣ не возможно , нѣкихъ ради винъ , проходить паству нашу , и вездѣ люди Божія устно и лицезрительно поучати . Сіе убо мое посланіе , вмѣсто мене буди , проходи грады и веси Епархіи нашея , и уча вы и увѣщаваѣя , еже не прельщатися раскольническими ложными ученіи , но крѣпѣ въ православной вѣрѣ стояти , придерживающеся матере нашея Святыя соборныя Апостольскіи церкви .

Въ первыхъ объявляю любви вашей печаль и тугу души моя о васъ ; слышу бо , яко входятъ волцы тяжцы въ васъ (а), отъ дубравъ и пустынь Брынскихъ исходящїи , и похищаютъ лжеблаговѣстїи своими и тайными шепты (якоже змїя Еву) Христовы овцы , не въ спасеніе , но въ погибель : и терзають стадо Божіе , учаще неправославно , и прельщающе души невѣжествующїя , снѣдаютъ же я и поглощаютъ

ересьми своими , и въ несытое адово чрево низ-
водятъ . Но и отъ васъ самѣхъ (якоже слышу)
восташа мужіе глаголющїи развращеная , еже
отторгнути ученики (простый глаголю народъ)
въ слѣдъ себе (а) . О чемъ ми есть туга и пе-
чаль не мала, якоже и Давиду, о таковыхъ тужа-
щему и глаголющему : печаль прїять мя отъ
грѣшникъ, оставляющихъ законъ твой (б) .

То объявивъ , глаголю къ вамъ со Хри-
стомъ Спасителемъ моимъ: *внемлите отъ жи-
выхъ пророковъ* (в), сіестъ, блюдитесь отъ жи-
выхъ учителей . Пророками бо учителя въ древ-
нихъ бяху нарицаемы . Якоже и Апостоль въ
посланїи къ Титу о Критянехъ воспоминаю гла-
голя: *рече нѣкто отъ нихъ свой имъ пророкъ:
Критяне присно лживи* (г) . Пророкъ же ихъ
той бѣ (по Златоустову сказанію) Епименидъ
Критянинъ , иже бѣше нїта , и философъ ,
и жрецъ идольскїй , и учитель Еллинскихъ
законовъ Критяномъ . Егда убо Христосъ Го-
сподь увѣщаваетъ возслѣдствующїа ему блю-
стися отъ живыхъ пророковъ , увѣщаваетъ
то блюстися отъ живыхъ учителей , каковы
суть отъ Брынскихъ раскольниковскихъ ски-
товъ , аки отъ демонскихъ гнѣздъ исходящїи .
Блюдитесь отъ тѣхъ , о возлюбленнїи ! блю-
дитесь , *отъ иже приходятъ къ вамъ во одеж-
дахъ овчїихъ, внутрь же суть волцы, хищницы* (д) .

(а) Дѣян. 20, ст. 30. (б) Псал. 118. ст. 53. (в) Матѣ. 7,
ст. 15. (г) къ Титу 1, ст. 12. (д) Матѣ. 7, ст. 15.

Но речете : по чесому познати , аще , кто волкъ есть , или добръ человекъ ? Отвѣщаетъ Христосъ глаголяй : *отъ плодовъ ихъ познаете ихъ* ; якоже и древо *отъ плода* познавается . *Доброе древо добръ плодъ творить , злое древо золь плодъ приносить* : ниже можетъ злое древо добра плода творити . Сице и тѣи , глаголю , *лживѣи учителя , волцы во одеж- дахъ овчихъ приходящѣи , отъ плодовъ ихъ познаваемы бывають* (а) , суть бо по Апостоль- скому словеси : *древеса есенная , безплодная , дважды умершая* (б) , *плода и листвѣи лишив- шаяся , вѣры и спасенія надежды отпадшая , отъ церкви искорененная , плода добра неимущая , развѣ золь плодъ , подобный яблокамъ Содом- скимъ* .

Пишетъ Златоустъ святыи *яко во оной странѣ , идѣже древле бѣше Содома , растутъ дресва , и плодъ имуть* (в) . Плодъ же Божіеи гнѣва есть воспоминаніе . Стоять убо шипки (яблони) свѣтлое (красоты) явленіе имущѣи , и подавающѣи невѣдущему многую вкуса надежду . Аще же ли взяты будутъ въ руцѣ , разломив- шимся , плода убо никоегоже , прахъ же и пелъ много показываютъ внутрь хранимый . Та- ковы суть дресва учителя раскольническіи , и таковы ихъ плоды , иже извнѣ прелестными своими ученьми . показываются быти красны ,

(а) Матѣ. 7, ст. 16 и проч. (б) Іуды ст. 12. (в) Св. Злат. на послан. 1 Солун. 4, правоучен. 8, лис. 2265.